

رضا الميناوي

اشتباك

شعر

حقوق الملكية محفوظة للمؤلف

٢٠٠٥

الطبعة الأولى

الناشر



جمعية دار النسر الأدبية لرعاية المواهب

ت: ٠١٠٨٢٥١٦٨٣ - ٢٩٩١٤٠٨

(٢)

إهداء

إلى ابنتي "تقى" وأبجل "وفاء"

إلى الحصان الناري ، وشقيقي الأكبر

رمز الحبة و العطاء

ومعنى الكلمة الشاعرة

في وادي النسر

إلى عاشقة يسكنها وطن غيور

رضا الميناوي

"اشتباك" بين الموروث والمستقبل

بقلم الشاعر الناقد عمر الشحات عمر

لا شئ يغنى عن التطور ، وإذا كان تراثنا الذى هو ليس منحة من أحد بل صنعته أعلامنا ، فلا بد من مواكبة العصر واستقراء المستقبل .. ، هكذا تكون الأدبيات السياسية الحديثة .. فى حركة دائمة ، لم تعد ألسنة فى الجدران ، ولم يبق مكان للأثرية فوق المكتبات المكتظة بالأوراق المطبوعة ، بل هناك تبادل الأفكار والأخبار عبر " النت " و النشر الإلكتروني .. إذن لم يعد هناك وقت للصراع حول شكل القصيدة مثلاً عمودية أو تفعيلية أو نثرية ، وكذلك حول صورة أو محسن بديعى .. ، فإننا فى ظل العولمة و شعارات قبول الآخر و خلافه فى حاجة إلى حركة فاعلة ترسم لون المستقبل فتظهر عوالمه و تزدهر الأمم .. ،

وإذا كان الأدب و الفن وجهين لعملة واحدة معناها تقدم أمة على أخرى .. ، وإذا كان الشعر فن العربية الأول فلا بد لهذا الفن أن يتطور و يساير حركات الإصلاح و اللامنظور وما فوق الذهنية ، بعيداً عن الجمود أو التراخى .. ، وما " مسطرة النقد الشعرية " الجديدة إلا مثال لذلك فهى تتضمن عناصر لا بد من وجودها فى العمل الأدبى ولكن المسافة بين عنصر وآخر تمتد و تنكمش و تختلف

باختلاف التجربة ومن شاعر إلى آخر ، وهنا لابد من حركة تضم جميع المدارس والأشكال الأدبية ، لا تنحاز إلى شكل على حساب الآخر وإنما تتابع وتحلل وتستقرأ كل ما يدور بين ورقة وقلم .. ، وليس معنى حرية التعبير و حقوق الملكية الفكرية أن تفرض الإباحية و الحزونية واللامفهوم .. ولا أقصد بالآخر الرمزية أو الشعور بالاعترا ب الذي قد يكون من حوافز الإبداع والإثارة - .. إننا فى حاجة للانتشار وإلا فلماذا نكتب !؟

إن من حقوق الملكية الفكرية الحفاظ على علامات التصنيف إذا كانت للغير .. ، فما بالكم إذا كان النص قرآنيا .. ، ففى قناة دريم برنامج اسمه " عم يتساءلون " ولم يوضع العنوان بين علامتى تصنيف وكذلك يتم الإعلان عن حركة " ن " الأدبية بدون تصنيف .
نؤمن أن الكلمة أمانة والموهبة رسالة .. ، وفى البدء كانت كلمة الله فى أرضه .. " إنما أمره إذا أراد شيئاً أن يقول له كن فيكون " حتى أن تميز سيدنا عيسى فى الخلق كلمة من الله " إذا قالت الملائكة يا مريم إن الله يبشرك بكلمة من الله اسمه المسيح عيسى بن مريم " والأمانة .. " إنى جاعل فى الأرض خليفة " وهى كانت أول أمانة تحملها آدم فى الأرض ، أما موسى " إن خير من استأجرت القوى الأمين " ، واشتهر ﷺ قبل نزول القرآن الكريم بالصادق الأمين ويقول

تعالى " إنا عرضنا الأمانة على السموات والأرض والجبال فأبين أن يحملنها وأشفقن منها وحملها الإنسان إنه كان ظلوماً جهولاً " والموهبة قد اختص الله بها نفر من الناس ويكفى أن " حسان بن ثابت " حمل لقب " شاعر الرسول " .. إذن فهو مقنن شرعاً طالما في حدود وأخلاقيات .. ، وعليه فإن الأديب يحمل رسالة من مجتمعه إلى مجتمعه مرة ثانية ، ومع تميزها بالحفاظ على التراث بشكل معاصر يحمل بين طياته التنبؤ بالمستقبل ..

إذا تحقق هذا من سماءات الأمم حق لنسور الأدب أن تحلق ، وشارك المثقفون بفاعلية .. ، ومنطلقاً من إيمان راسخ بالفكر والإبداع.

عزى القارئ .. ونحن بصدد قراءة في صفحات " اشتباك " وهى باكورة إصدارات الشاعر " رضا الميناوى " كان لنا أن نتوقف عند مميزات كتاباته وإن استخدم العامية فى التعبير عن قضاياها المختلفة (اجتماعية - اقتصادية - وطنية ، ..) فقد اشتركت السياسة الأدبية فى هذه القضايا مع ابتكار فى الصورة الناجمة عن البيئة الشعبية و تنوع الأشكال ما بين العمودى و الحر و قوالب الغناء والزجل وكذلك اتضح تأثيره بالموروثات مع المعاصرة واستخدام مصطلحات فى أسلوب سهل و معاش للتطور مع الاحتفاظ بالثوابت

مثل الموسيقى وعدم الإباحية و العرى .. ، واستخدم الرمز أحياناً والإسقاطات بعيداً عن التهويمات و الغموض الذى قد يؤدى تأويله فى العمل الأدبى إلى خلق نواة تتبعث منها الإدعاءات الكاذبة .. ، وكأنه قصد أن يقول أن التطور ليس معناه اهتزاز الثوابت فى أمانة الكلمة ولا بد أن تكون الرسالة حلماً بمستقبل يرسمه الماضى فى إطار من الحب .. يستهل قصيدته " معلوم و لكن " بقوله :

اظهر وبان .. افتح ببيان إنسيه تغلب ألف جان
بلغة بسيطة متأثرة بالموروث الشعبى ، يدعو من خلالها إلى الظهور فى المستقبل وفتح أبواب جديدة للشباب و المرأة ، وإذا كان استخدام الموروث الشعبى فى " اظهر وبان " فقد استخدم الآلات المعاصرة مع الدعوة للتريث و التفكير عند استخدامها فهو يقول فى قصيدته " قدرى " .

لو رنة واحدة كسلي	لو رنة تانية كنسلي
في الثالثة أوعي تكبري	حبة محبه .. قدري

وتقديرًا للمسئولية التى يؤمن بها يؤكد فى قصيدته " مصر " على الحرية فى بلده و الشفافية فى رأى دون الخضوع لأى رأى يخالف الشريعة و يعتبره غريباً ويصوره كأنه " شبح " يرفض وجوده ما شئ عليه وما ارتوى به من صدر أمه الكبرى وهى " مصر " وإن

تلون هذا " الشبح " فى شكل العولمة واتفاقيات غير مجدية .. ، حيث
يقول :

مش عولمة ولا لعبة جات أمى روتتا بنين وبنات
شارب نيلى .. قلبى دليلى أصلى بحب بقول مواويلى
مش هنكتكم .. ولا هنسلم يوم لغريب لو شبجه اتكلم
ويتضح تأثير الشاعر بالقرآن الكريم و الموروث الشعبى
والأسرة المصرية فى احدى عاداتها عندما تذهب لتهنئة العروس حالة
" الصباحية " ويعبر عما يدور فى خلجات نفس العروس ، ولا سيما
إذا لم تر أمها بين أفراد العائلة :

بوصمة غنوة لما تموت

وبصمة صوت

وبسمة بألف ضحكاية

بغنىاك .. ويتسمى

يا ساكنة الحلم جوايا

ومن بحري عشق قبلى

وراح جانبلى

حلق .. و غويشة دلالية

وماشطه زوقت حنه

لقيتني باصلي والفاحة لروح أمي

(من قصيدة صباحية مباركة)

ولأن الشاعر الحقيقي لا بد من وقوفه أمام مستحدثات العصر
وقضايا المجتمع ، فقد تعرض إلى " الخصخصة " ، " التصويت في
الانتخابات " " التلوث باسم السياسة و الدين " ، فهو يقول :

طفي اللمة وعدي الخوف

مش هتشوف

مش هتشوف الهمّ الداير .. نجوه دواير

ولّا زراير قطن وصوف

صرخ الناس في الشارع حفره

قلت دي طفرة

حلوا الشفرة ...!

فاهمه يا لوزة

خد بالك ياسي خد بالك

ومثل هذه القصيدة التي تتكون من مقاطع قصيرة جداً تحتوى قضايا مجتمعية أثارها الشاعر فى شكل قصيدة الومضة ، وهى التي تحتل معان كثيرة تنطلق من الذات إلى مستوى أعمق و أكثر اتساعاً ، نجح فى توظيف الرمز و الحركة والاستفادة من التصوير السينمائى والألوان .

وفى شكل آخر كتب الأغنية بالمفهوم الشائع " مذهب وكوبليه " فى (شراع ، موال ، السبوع ، اشتباك) .
وقد استخدم أسلوب الحكى فى قصيدة " اشتباك " وقد استلها بسؤال " شفتوا الساعة بتلدغ عقرب ؟ !

زى الشاعر قلبه بيضرب !
ويظهر قاموسه اللغوى فى تكرار عدد من الألفاظ منها :
" أمى " ، " الحرية " ، " بكرة " ، " النهار " ، " حلم " ،
" زغروته " ، " أمل " ، " القمر " مما يؤكد دعوته إلى التحرك نحو المستقبل وعدم الجمود .

ومن ناحية الشكل ، فلقد تنوعت أشكال القصيدة عند الشاعر ما بين الكلاسيكى و الحر والأغنية و الموال ، وإذا كان لجأ للرمز أحياناً فقد لجأ أيضاً للمباشرة ، و كذلك التلاعب اللفظى بين الكلمات المتجانسة ، فهو يقول:

إيه يعني شاعر أو أديب و بتقرا مسرح من أديب
لعب التعالب ويا ديب مخلصني طرطاً في الودان

وبنفس النهج يبين كيفية المعارضة - بالحق - فى إطار الديمقراطية

يا حق حق الدق يا ررق ررق بـ لآ
ثمة ظاهرة أخرى فى التصوير ، تؤكد ثقافته وامتلاكه لأدواته حيث ظهرت قراءاته وكأنها أمثال شعبية مصرية رغم أنها بلغات " أجنبية ، بل وفى فنون مختلفة حيث يقول :
" القمر طلع شرار " ، " اذرع مرة أدان الديك " ، " الفكر طرّع م اللبان " ، وتعرض للمتناقضات ، فهو إذ يطالب بالمشاركة السياسية فى الانتخابات ويحذر ضمناً و يضع الحل فى " الزم بيتك ... وأدلى بصوتك ، ولا تخرجش فى أى ظروف .

وتلعب المرأة درواً بارزاً فى أشعاره ، ولا سيما إذا كانت
واعية تحاسب نفسها و تعيد ترتيب أوراقها بعيداً عن التأوهات ،
"حسبى نفسك متحسبنيس " ، " فاهمة بالوزه " ، " يا ساكنة الحلم جوايا "
، " بمن أنت هلى و مطرى وإذ تكشف أشعار " رضا الميناوى " عن
عالمه المفكك فهى تؤكد تأثره " أدبياً " بشقيقه الأكبر رغم غموض
الرؤية أحياناً وكذلك فإن افتقاده لأمه وهو طفل لا يتعارض مع التعميم
أحياناً على بعض القضايا التى تبدو ذاتية جداً ، وعدم اكماله مراحل
التعليم والاستعاضة عنها بالابتكار والإبداع وخلق فرص متعددة لم
تتح لغيره ، والاستفادة من الثقافات والتيارات المختلفة ولعله وبمزيد
من الإخلاص و الصبر و تفهم للواقع يملأ مساحة جديدة من اللغة
ويشارك فى اهتزازها من خلال مغامرة بين الدهشة والقشعريرة
ويزيد من تجاربه التى تجعله يحرك الشهية الأدبية نحو المطبعة
وتظل أوراق شجرة الشعر دوماً فى "اشتباك "

محمد الشحات محمد

رئيس جمعية دار النسر الأدبية

عضو اتحاد كتاب مصر

قَدْرِي

لو رنة تانية كنسلي
حبة محبه .. قدري
يتغيروا .. تتغيري
و بكل لون تتصوري

والحلم مليون بالأنين
متحيره .. وتحيري

والسكة خاليه من الحفر
بس أنت هلي ومطري

تطفي الشموس لو ترحلي
حبة محبه .. قدري

لو رنه تانية كنسلي
حبة محبه .. قدري

١٩٩٨/٢/١٢

لو رنة واحدة كنسلي
في الثالثة أوعي تكبري
زي الفصول الأربعة
شجرة حياه ومفرعة

الموجه عالية من الحنين
دوامة غيها من سنين

الحب جاهز للسفر
ومعدتش فيه رتبة غفر

كنت الأمل إحساس حلي
للحب قومي اتكحلي

لو رنه واحدة كنسلي
في الثالثة أوعي تكبري

اسألني

حسبي نفسك متحسبنيش	كوني صادقك متكديش
الغصون ع الوردة مالت	وانت واقفة و مشفتكيش
(فاكره أحلام النهار	ولا لوعة الانتظار)
ع الشجر باكتب حكايتي	لما شفتك .. ومقرتنيش
السكوت مش حل دار	هاتي يوم معني الحوار
الجواب غير القرار	كان كلامنا مبينتهيش
إسألني عاشق و غاوي	للقمر يعمل عناوي
يا حبيبتي الحب ناوي	قصده قلبك .. متهربيش

٢٠٠١/٩/١٦

صباحية مباركة

بوصمة غنوة لما تموت
وبصمة صوت
وبسمة بألف ضحكاية
بغنىالك .. وبتسمي
يا ساكنة الحلم جوايا
بشوفك لما تنداهلي
تاوهلي ... وتحييني
تبكينني .. ظروف العمر يا امايا
بشوفك كام سنة قبلي
(عيال كبرت)
ومن بحري عشق قبلي
وراح جانبلي
حلق .. و غويشة دلالية

أنا شفتك
وبصيتك علي مرآة
رجع عمري
زمان وحكايتي والداية
لقتيني البنات والفرحة
هناك هتتط من عيني
وماشطه زوقت حنه
دخل مأذون .. سمعت الناي
ومزمار فولكلور مصري وزغروته
بنات بلدي
بترقص رقصة بالبلدي
لبست الطرحة .. غنيت ألف غنوايه
حضنت أبويا واخواتي
وجولي في الصباحية
" صباح الخير .. يا وش الخير متين مبروك "
لقيتني باصلي والفاطحة لروح أمي

يا ريتك كنت ويايا
دا صوتك جوه شرياني
غلب دمي
وصوتي هوه ايماني
كأني شمس عنواني
وبصيتك علي مراية
يا ساكنة الحلم حوايا

١٩٩٥/٤/١١

عيون

طفّي اللّمة وُعدي الخوف
مش هتشوف
مش هتشوف الهمّ الداير .. جوه دواير
ولّا زراير قطن وصوف
مش هتشوف خصخصة في بطاقتك
لو فوق طاقتك
ايه يعني بقيت إنسان
أو حيوان بالألوان
كله براحتك ... إلا سماحتك
طبلجي عايش ع الملفوف
واحنا الشعب .. باسم الشعب
اكتب غايب ... اسحب شايب
إلعب دايمًا ع المكشوف
انت ولادك .. حب بلادك
سكنّ ألمك ... واسكن شارع
طفل شوارع

تحت الكوبري وفوق الروف
اسرق كارع .. هـد مزارع
ميهمكش ... ميخصكش
رحتك .. جيتك .. إلزم بيتك
وادلي بصوتك
ولا تخرجش ف أي ظروف
- ٢ -

صرخ الناس في الشارع حفره
قلت دي طفرة
مش علشان اتكسرت رجله
أصله دا واحد .. عقبال نجله
لكن الفعل وردّه بدايته
حجّة صرخه ف ورقة " بفره "
حلوا الشفرة ...!
- ٣ -

قلبي ف إيدك زي الموزة
فاهمه يالوزة
أوعي تقولي هذا يهوذا

أوعي تبيعي كام كندوزه
تشتري مره طوق حموزه
حمزة دا مات ومعاه البدر
والحريفه ف طعم الغدر
شطوا .. فطوا
خطوا .. الصدر في غاب الجوزة
فاهمه يا لوزة ..

- ٤ -

طاخ طيخ .. معمل تفريخ
راح الشيخ .. جاي الشيخ
قام نام .. زي البطيخ

- ٥ -

خد بالك ياسي خد بالك النار حامية وجيالك
افتح فتح عينك شوف انسي الدنيا كمان م الخوف
طفي النار .. سلم حالك

٢٠٠٤/٦/١٢

شراء

فكر جديد وشباب رح ينزل يدى بصوته قوام للمنزل
ميهموش تربيط ولا لعب حويط صوت الحق لازم هيزلزل
بس أمانه .. رمز المنزل

قوم يا مواطن إنده جارك الحريه فتحها مبارك
خيلك فاكر بيتك دارك وشراع علم جوه عند المنزل
بس أمانه .. رمز المنزل

خدمه وتعليم .. تشغيل يا شباب ومفيش تعنيم ولا قفلة باب
رح ندى جلال إخوه وأحباب والإصلاح .. يبدأ م المنزل
بس أمانه .. رمز المنزل

من هنا وهناك .. رايحة وجاية أهلى وناسى ودائره قويه
للخدمات وأديكو فى أديه نبني ويعلى الصوت ويزلزل
بس أمانه .. رمز المنزل

موال

آه يا زمن منك
شربت إكمنك
من غير تمن ولّيت
هوه نصيبي كده
كله في إيد ربنا

يا ليل ...

لما يدور مزمار
قادر سقتني مرار
فاتوا وحيد الدار
أفضل غريب محتار
هوه الحليم ستار

ألعب وسيب فني
الليله حب وشوق

منك أنا ومني
معرفشي كام سني

إنسي اللي كانت حق
شجر كافور بيرق

وقلبها بيدق
لما يزيّد أني

مستّتي .. مستّتي
والفرحه طارحه أمل

زغروته ونغني
بنمسي ونهني

يا حقّ جقّ الدقّ
إعزف كمان للشقّ

يا رقّ رقّ بلا
يا أوج حنني

اشتباك ... (١)

شفتوا الساعة بتلدغ عقرب
زي الشاعر قلبه بيضرب
الفنان ومعاها صحيفة
والأستاذ علي طول متكهرب

وادي حكايتي

وادي حكايتي ف قلب الوادي
أمي الحلوه علينا بتتادي
مصر النيل من عهد فراعنة
حب وصنعه وزرع أيادي
آدي حكايتي مش فنيه
بس الحب غلبنى شويه
شفت زتون من فوق الميه
قاللي نغني بلحن بهيه

آدي حكايتي :

قلت ف مرة أجيب باللورا
ألعب .. أرقص بالنتورا
لما عنيه بصت فيها
شفت الحب دا صوت مع صورة
قالت أوعاك يا بني تفلس
امسك قلمك مش هتهلس
وارفع علمك ويا حكايتي
حكاية الوردة لما ثملس

لسه حكايتي

خليك فاكر دايمًا نصري وارسم بكرة بـماضي وعصري
واوعي القدس تضيع من إيدك دا أنت المصري قول أنا مصري
قول الحق وباسم اللاه يبجي صلاح من فضل هداه
ريت يا " محمد " تبقي "مبارك" وتبشوف "حسني" وتقرأ مداه

قلت حكايتي

قلت حكايتي ف وقت غروب الحرية ما منها هـروب
ليك وإخوانك كلمه يدوب خليكو واحد جوه جـروب
بس تعالوا قبلا شويه نحضر ندوه في الجمعية
نسرهما وطني لون ومعاني أحمر .. اسود بينهم غيـة

شفتوا حكايتي

٢٠٠٤/٣/٢١

رفعت الجلسة

سعدون زعلان كده ليه
بعد ما كان متعلم
جانب شيشه وفتح الطاولة
قال هعمل بس محاولة
ترفيه إجباري وجاي
قال حجر البيت بالنبي
ديتها عشرة واجب
أقبض معلوم واتعجب
عد المطلوب بالذمة
جاءوا الأموال العامة
اتلم ولاد الحتة
وهدومه كلتها العتة
واد ماشي مع التيار
والجد أهو تاه في هزار
واتجدد حبسه ف جرسه
زي المضروب في البورصة

والحزن معلم فيه
العمة لبسها البيه
راحت من أول جولة
ما الشغل صبح ترفيه
وبأمر إزاله م الحي
ومهندز هيسويه
وبرفعة نص الحاجب
والزهر كمان أرميه
والأستك ربطه بهمه
واتهد البيت بما فيه
جمعوا في عياله الستة
معرفش البيت بينيه
والبنت تروح مشوار
مسئول الحي عايز توجيه
اتكلم طالب فرصة
وانطماع مثلومشي عليه

ففي الجلسة يا حول الله
شاف بنته كمان وياه
بتقول للقاضي أمانة
علشان عارة أذانا
مش همدف توكليل لمحامي
وإن كان مظلوم قدامي
علشان أمي مش بتبوز
واتعلمنا أبجد هوز
رد محامي وكان متطوع
وليه الأم كمان بتجوع
طلب التأجيل لإشهادة ام
حكم القاضي بحكم نزيه
فقد العيله علشان ترفيه

سعدون العاقل تاه
كانت شاهده الحلوة عليه
يقعد في الزنزانة
هندافع ونقول إيه
وخطيبي قال دا حرامي
طب أخويا بيلعب إيه؟!
رفعت خلع وراح تتجوز
امشي حلال يتبارك فيه
أمتي أبوكي كان بيكوع؟
قالت محصلشي يابيه
والموال بقي عمي جنيه
المجنون سعدون يكفيه
رفع الجلسة ويا أدية

٢٠٠٣/٧/١٥

السبوع

ليلة السبوع متكحلة عنية والملح مترشرش بحنية
حضر الأممه بيبتدى فينا والأب طبطب له .. بطبلية

يا صيادين السمك صيد السمك عنية
أرمو إشبك..والرك ع النية
وقفت يوم طلعتلى بلطيه
قالت بشوق من بدرى مستتية
سألتها .. والحلوه مين هيه
ردت بنات الشط والميه
سبحانه رب الكون خلق فييه
رزقك ويعلم وخده بالنية

رباعيات

ماسك بايدى القلم	والسن مكتبشى
يكفيكو شر الألم	والريح من كبشى
يا رافع المسطرة	السطر متعبشى
عامل كمان قنطره	والدوسه بالكبشى

**

طرقع طرائيعو	فرقع فرائيعو
شارى وبتتيعو	شارب ومن كيعو
معلوم وزى النسر	للميه كيف الجسر
والعسر بعد اليسر	اكتب وبتزيعو

عيب

يا دنيا ليه ضحكك زعلانه من بدرى

ولما خاصمنى الهوى والليلة غاب بدرى

وتهت بين الدروب أدور وسألت فين حبي

قالولى عيب اختشى .. رضا مش بدرى



مقطوعة

- أنتى أول حب فى حياتى

أنتى فرحتى وآهاتى

أنتى عرفتيني الحب زمان

أنا قضيت الليل فى حنان

أنتى سمعت الناس ودا منك

يا حبيبتى أنتى مش هستغنى عنك

حلمى فتح لك أرضه

- يا حبيبى طولہ وعرضه

اكتب ليه شعر جميل

وأنا لك سهرانه الليل

غيرة

محبه الوش ما دام فيها غش ما تلدش

مال وصاحبه عيان يبقى المال ما يلدش

ملك وصاحبه مداين يبقى الملك ما يلدش

ونسبه القراب ما دام فيها غيره ما تلدش



معلوم ولكن ..

اظهر وبان .. افتح ببيان إنسيه تغلب ألف جان

إيه يعني شاعر أو أديب وبتقرا مسرح من أديب

لعب التعالب ويا ديب مخلصني طرطاً في الودان





معلوم ولكن كان وكان

والفكر طرئع من اللبان

اظهر وبان .. افتح ببيان

إنسيه تغلب ألف جان

باحلم

عمر الضلمة ما تطلع نور

ولا بالحق هتصنع زور

الإرهاب فى المستشفى

إيدز وأنفلونزا طيور .. !

ازرع مره أدان الديك

باحلم اكتب منك ليك

وفى يوم اشكى .. أمدح فيك

لو بالحب الدنيا تفور

ودي

ودي بحنان ودي	بكره الأمل وردى
أيام وبتعدى	بتفور و بتهدى
تأخذ ولا بتدى	ودي بحنان ودي
شغلانى وخدانى	فاكرك و بنسانى
شوقى و ايمانى	بالحب مين قدى
فجر اللقا اتبسم	بعشق و بتتسم
نصيب و متقسم	باسأل عليه ردى
البحر عالى لفوق	والقلب قايد شوق
والليلن حلف ما يروق	ودي ولا تعاندى
أخضر زرع أحلام	دنن باحلى كلام
موال يداً بسلام	واحد عدد فردى
ودي بحنان ودي	بكره الأمل وردى

مصر

أمى روتتا بنين وبنات	مش عولمة ولا لعبة جات
أصلى بأمى بقول مواويلي	شارب نيلي .. قلبى دليلي
مصر النيل وهرم وعمارة	مصر الأم تاريخ وحضارة
إسلامي وأموى وسيمفوني	قبطي وإغريقي و فرعوني
حرب سلام مرفوع اليذ	مصبرى بيزرع يصنع جذ
ادى عدالة لبكرة وأمس	خد تحنيط وعمود الشمس
وادى نجيب و زويل في حوار	فكر وفن .. أدب وقرار
مصر علوم وحقوق مكتوبه	أم الدنيا وقلب عروبه
أهل البيت كدة في الترويسه	ومحليّة بموسى وعيسى
مصر بمرم شجرة بتظهر	مصر ماريّة وهاجر وازهر
فيها الحب حلال وجمال	مصر بيوسف أم رجال
قلعة أمن الكل بيعبذ	ادى الدير ويا المسجد
الوحدة ف جوايا " مزايّا "	فاكر لما قرئت يا امايا
جدى وابويا ويا احفادى	أفضل عايش و بأمجنادى
حكم أمانة لأبى بيرضى	رأبى ومالى .. ارضى وعرضى

مش هنكتكم .. ولا هنسلم
شارب نيلى .. قلبى دليلى
مش عولمة ولا لعبة جات
والإصلاح أنا عارفه زمان
لو تسألنى جواب المصرى
فى المحروسة .. أمرنا شورى
قبلى وبحرى .. كبير و صغير
ديننا عملنا و مستقبلنا
غصن زيتون ملفوف بحمام
بيئة وبنية و التنمية
و ادى " الرأى " علينا بتادى
رحت وجيت .. لفيت البيت
مصر الأم تاريخ وحضارة

يوم لغريب لو شبحه اتكلم
أصلى بأمى بقول مواويلى
أمى روتنا بنين وبنات
بعمل بيه ونحد ميزان
ألمه وعلمه ف دمه بيسرى
زى عروسة بالتورا
كلنا واحد لم نتغير
يكفى العالم كله أهو جالنا
بعد الحرب عملنا سلام
فرض بشوق محو الأمية
زجل المصرى ف وصف بلادى
" بالأحضان " عديت غنيت
مصر النيل وهرم وعماره

تأمل

مدهون أبوه اللي
ميختشيش م الحق
و الحق فوق يشهد
ع اللي ما يعرف حق
عند الكريم رحلت أنا
عمل معايا الحق
أما البخيل دهنه
نكر جمایل حق
ونعاه بين الأمم
دافنة عيون فى البق
حتى الأسد فى الدار
ضيع شهادة حق
يقتل و يحبس هنا
و البعبع المكار
حكمه ملهى قرار

يظلم في ليل و نهار
دخل جواب في قرار
لم يخشى يوم الحق
(يا حرف قاصد كريم)
قاصد بيان الحق
واللى في قلبه عمى
ما يشوفشى بعيون حق
يا حق ...
يا رافع السموات
من غير عمد بالحق
عدينا منها بخير
فتح عيون الحق

ميكرو باص

باص .. باص ظا ط و هاص

ويا الهيصة ف قلب الباص

عيل فاشل بنت مراهقة

فى العربية فرطوا الفكّة

ماشى بسرعة .. خبط الأجرة

والملاكى معاه فى متاجرة

خبط الحاج و لم الأجرة

عامل نفسه واد بصباص

باص .. باص ظا ط و هاص

مش تسجيل ولا باين راديو

عامل دوشة و خلاص بس

لما تقوللوا و طى شويه

أخرس كلمة خدلك تاكسى

ماشى ف إيد كباية الشاى

أما التانية سيجارة الزفت

هوه اليوم زى الزفت

يومك زفت عليك يا حزين

هوه انت بنار ولا بطين

لو يسيبوني عليك كده مه

اعمل وشك قرص عجيب

وانا مش كداب ولا مهيأص

باص .. باص ظا ط و هاص

ميكرو و بات جوه الباص

حلم الشمس

مش كل مرة تغضبي
و تسبيني و تشتكى
و تسيبي قلبى و تهربي
ولما اواجهك تكذبى

من أى كلمة تزعلى
بتقولى وه إنسان فظيع
وتزلزلى و تهلىلى
تاير تملى أو سريع
عتاب بسيط و هدفه عيشه
و ألف مرة أقول يا عيشه

انسى بابا بتاع زمان
انسى يا " بتأمنى الرجال "
وشلة النادى كمان
" وقصى ريشه يالعيال
هتلاقى جنة و حلم نور
و الشمس تطلع فى السحور
بشعورى أوعى تلعبى

الفهرس

٣	إهداء
٤	مقدمة
١٣	قذرى
١٤	اسألنى
١٥	صباحية مباركة
١٨	عيون
٢١	شراع
٢٢	موال
٢٣	اشتباك.. (١)
٢٥	رفعت الجلسة
٢٧	السبوع
٢٨	رباعيات
٢٩	عيب
٣٠	طقطوقة
٣١	غيرة
٣٢	معلوم ولكن
٣٤	باحلم
٣٥	ودى
٣٦	مصر
٣٨	تأمل
٤٠	مكروياص
٤٢	حلم الشمص

الشاعر فى سطور

- عضو جمعية دار النسر الأدبية.
- عضو نادى أدب بيت ثقافة المرج.
- فاز بجائزة وزارة الشباب فى شعر العامية لعام ٢٠٠٤م.
- فاز بالمركز الأول على مستوى القاهرة لعام ٢٠٠٣م.
- حاصل على عدد من شهادات التقدير من :
 - المجلس المحلى بعين شمس.
 - جمعية دار النسر الأدبية.
 - الجمعية المصرية لرعاية المواهب.
 - جريدة الرأى.
 - جمعية الرعاية المتكاملة.
- يشارك وبشكل فعال فى المنتديات الأدبية و الثقافية.
- نشرت أعماله فى جرائد :
(الشرق الأوسط - المساء - الرأى - الحياة - النسر الوطنى)

رقم الإيداع

٢٠٠٥/٢١٥٩٣